

**<<ՋԻ & ԷԼ ԻՆՎԵՍՏ >> ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
2024 ԹՎԱԿԱՆԻ ՏԱՐԵԿԱՆ ՖԻՆԱՆՍԱԿԱՆ ՎԵՐԼՈՒԾՈՒԹՅՈՒՆ**

Ընդհանուր առմամբ 2024 թթ բնութագրվեց տնտեսական ակտիվության ոչ բարձր մակարդակով՝ կապված տարբեր պատճառների (աշխարհաքաղաքական զարգացումներով պայմանավորված) հետ, ինչը շարունակեց ոչ բարենպաստ պայմաններ ստեղծել «ՋԻ&ԷԼ ԻՆՎԵՍՏ» ՍՊԸ-ի (այսուհետ՝ Ընկերություն) բիզնես ծրագրով նախատեսված ցուցանիշների ապահովման համար: 2024թթ բիզնես միջավայրն արտահայտվեց տնտեսական ակտիվության մակարդակի նվազմամբ՝ իր բացասական ազդեցությունը թողնելով Ընկերության գործունեության վրա:

2024թ.-ին Ընկերության ռազմավարությունը նպատակաուղղված է եղել այնպիսի միջնաժամկետ նպատակների իրականացմանը, ինչպիսիք են Ընկերության ֆինանսական ցուցանիշների կայունության ապահովումը, ներդրումային շուկայում գործունեություն իրականացնող ընկերությունների շարքում ամրապնդվելը, Ընկերության ընդհանուր կապիտալի նվազագույն չափի և Ն1 տնտեսական նորմատիվի, ինչպես նաև շահույթի ապահովումը /թեկուզև ոչ շոշափելի/:

2024թ.ի ընթացքում ընկերությունը համագործակցել է արժեթղթերի շուկայի մասնակիցների՝ ինչպես դիլեր բանկերի այնպես էլ այլ ֆինանսական կազմակերպությունների հետ՝ ստեղծելով գործնական հարաբերություններ:

Ընկերության պետական տոկոսային արժեթղթերը 2021թ.-ին կազմել են 87.498.000 դրամ, 2022 թ.-ին՝ 92.879.000 ՀՀ դրամ, իսկ 2023 թվականին՝ 104993000 ՀՀ դրամ, իսկ 2024թ. կազմել են 152494000 ՀՀ դրամ, ինչը նախորդ տարվա ցուցանիշի համեմատ ավելացել է 47501000 ՀՀ դրամով կամ 45%-ով: 2024թ.-ի ընթացքում ընկերությունը շարունակում է հիմքեր ստեղծել արժեթղթերի շուկա հաճախորդներ ներգրավելու համար: 2024թ.-ին իր կամ հաճախորդի անունից և հաճախորդի հաշվին արժեթղթերով գործարքների կատարման ընթացքում ձեռք են բերվել հիմնականում ՀՀ պետական գանձապետական կարճաժամկետ պարտատոմսեր՝ նպատակ ունենալով նվազագույնի հասցնել ռիսկային գործոնը:

2024թ.-ին ևս Ընկերությունը չի իրականացրել ռեպո գործարքներ՝ կապված ֆինանսական շուկայում վարկային տոկոսադրույքների, ինչպես նաև վերաֆինանսավորման տոկոսադրույքի համեմատական բարձր մակարդակի հետ:


2024թ. դեկտեմբերի 31-ի դրությամբ Ընկերության ընդհանուր ակտիվները կազմել են 155196000 ՀՀ դրամ, ինչը նախորդ տարվա համեմատ ավելացել է 44.5%-ով: Ընդհանուր կապիտալը կազմել է 86722000ՀՀ դրամ, ինչը գերազանցում է նախորդ տարվա ընդհանուր կապիտալը 8.7%-ով, իսկ ընդհանուր պարտավորությունները՝ 68474000 ՀՀ դրամ, ինչը նախորդ տարվա համեմատ ավելացել է մոտավորապես 60%-ով:

Ընդհանուր պարտավորությունների և ընդհանուր կապիտալի հարաբերակցության մակարդակը 2024թվականի ընթացքում կազմել է 79%, իսկ ընդհանուր կապիտալի և ընդհանուր ակտիվների հարաբերակցության մակարդակը՝ 56%:

2024թ.-ի դեկտեմբերի 31-ի դրությամբ ևս Ընկերության արժեթղթերի պորտֆելում գերակշռում են երկարաժամկետ ՊՊ պարտատոմսերը: Հաշվետու տարում նույնպես ընկերությունն իր արժեթղթերի պորտֆելը համալրել է ՀՀ կարճաժամկետ պետական պարտատոմսերով: Ընկերությունը մտադիր է շարունակել պորտֆելի համալրման գործընթացը և 2025թ. մասնակցել կարճաժամկետ պետական պարտատոմսերի հերթական տեղաբաշխումներին՝ արժեթղթերի շուկայի կայունության պայմաններում:

2024թ.-ին՝ ի տարբերություն 2023թ.-ի, ընկերության ֆինանսական գործունեության արդյունքը եղել է թեև ոչ շոշափելի, սակայն դրական, ինչը փաստում է, որ 2024թ.-ին կազմակերպությունը իր առջև դրված խնդիրը /ունենալ դրական ֆինանսական արդյունք/ կատարել է:

Ներքին աուդիտի ղեկավար՝



Վարդուհի Փափազյան